

ԲՈՒՂԱՐԱԿԱՆ ԻՆՔՈՒՐՈՒՅՆ ԵԿԵՂԵՑՈՒ ՀԱՄԱՐ ՊԱՅՔԱՐԾ ՕՍՄԱՆՅԱՆ
ԿԱՅՍՐՈՒԹՅՈՒՆՈՒՄ*

Հայկ Մխոյան

Բանալի բառեր՝ բուղարական ուղղափառ Եկեղեցի, բուղարական էկզարժսատություն, Օսմանյան կայսրություն, Ռուսաստան, ֆանարհոտ, Կոստանդնուպոլիսի տիեզերական պատրիարքություն:

Օսմանյան կայսրությունը՝ որպես բազմակրոն երկիր, ուներ բազմաթիվ խնդիրներ, որոնց շարքում 19-րդ դարի երկրորդ կեսին առանձնացավ բուղարական ինքնուրույն Եկեղեցի ունենալու պայքարը: Դրա առանձնահատկությունն այն էր, որ այն մղվում էր ոչ թե Օսմանյան կայսրության, այլ Կ. Պոլսի հունական պատրիարքության դեմ: Վերջինս իրեն համարում էր ուղղափառ քրիստոնյաների միակ ու գերազույն ներկայացուցիչը Օսմանյան կայսրությունում ու չէր ընդունում ինքնուրույնություն ստանալու բուղարական Եկեղեցու ձգուումները: Այս խնդրում կարևորվում էր նաև մեծ տերությունների միջամտությունը հարցի լուծման գործում: Նրանցից յուրաքանչյուրը փորձում էր իր խնդիրները լուծել՝ արծարծելով բուղարների ազգային հարցը:

Դրույթունը բուղարների համար սրվում էր հունական կողմի հոգևոր և տնտեսական ճնշումներով, այսպես կոչված ֆանարիոս հոգևորականության [1] կողմից: Հոգևոր աստիճանակարգության բարձրագույն պաշտոնները գրադեցնում էին հարուստ հունական ընտանիքների զավակները, որոնք բնակվում էին Կ. Պոլսի Ֆանար թաղամասում: Եվ հոգևոր, և քաղաքացիական ֆանարիոսները իրենց վարուց ու ամուր հիմքերով կապել էին թուրքական ադմինիստրատիվ և դիվանագիտական կապերով: Նրանց էր պատկանում առևտուրը և ծովագնացությունը[2]:

Եկեղեցական ինքնուրույնության համար կազմակերպված պայքարը բուղարներն սկսեցին Մեծ Տիրություն սկսված իրադարձություններով: Այսող լինում էին դեպքեր, երբ արքեպիսկոպոսներ էին նշանակվում փակիւանները: Վերջիններս իրենց գործունեության ընթացքում մեծ գումարներ էին հավաքում ու գնում էին արքեպիսկոպոսի կոչում: Այն բանից հետո, երբ սովորանք հայտարարեց Թանգիհմաթի մասին, հենց նոյն տարում՝ 1839 թ., Տիրություն բնակիչները վրանեցին հոյն մետրոպոլիտ-փակիւան Պանարետին ու պահանջեցին Նեռֆիտ Բոզկելիին նշանակել այդ պաշտոնում, սակայն պահանջը չքավարարվեց ու ընտրվեց Նեռֆիտ Վիզանտիոնը[3]: Ուղարկած Եկեղեցու բոլոր գործերը հանձնեցին իրենց նկատմամբ կու հնագանդ Կ. Պոլսի հունական պատրիարքի տնօրինությանը[4]: Այս ամենը ազդանշան էր բուղարների համար՝ սկսելու հունական Եկեղեցու դեմ լայն արշավ, որը պետք է տաներ բուղարների անկախացնանը Կ. Պոլսի պատրիարքությունից:

Այսպիսով՝ թուրքական լինի տակ տառապող բուղար ժողովրդի համար ավելանում էր ևս մեկ խնդիր, որը հանդես էր զալիս հունական բարձրաստիճան հոգևորականության կրոնական ճնշումներով: Պատմաբան Արամ Անսունյանը, անդրադառնալով նշալ խնդրին, գրում էր. «Սլավ տարրը սուկ թուրքական քաղաքական լուծ չէր կրեր, այլ նաև հոյներուն մտավոր ու կրոնական լուծը, որը ընդհանրապես առաջիննեն ավելի ծանր կճնշեր իրենց վրա: Ֆեների պատրիարքարանը կարգելու իրենց լեզուն, իրենց Եկեղե-

* Հոդվածն ընդունվել է 29.01.2016:

Հոդվածը տպագրության է Երաշխավորել ՍՍՀ պատմության ամբիոնը:

ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

ցական պաշտամունքը, իրենց գրականությունը, մանավանդ պատմությունը, անհամար լավ ծեռագրեր կայրվեին կույր մղեռանդությամբ մը, ինչ որ իսլամը չէր ըներ, իոյն կրոնավորությունը կընեին...»[5]:

Ուսաստանի պարտությունը Դրիմի պատերազմում հույսեր չներշնչեց բուլղարական ազգին Օսմանյան կայսրությունից շուտափոյթ ազատագրության համար: Պատերազմը իր հետևից Օսմանյան կայսրության համար թերեւ տնտեսական և քաղաքական կախվածություն իր ոչ վաղ անցյալի դաշնակիցներից: Սուլթանական տիրույթներում հաստատվեցին բազմաթիվ արտադրողներ, որոնք իրենց կառավարությունների հովանու ներք ստանում էին Բարձր դռնից կոնցեսիաներ երկարգծերի, ճանապարհների կառուցման համար կամ այլ շինարարությունների թույլտվություն:

Դրիմի պատերազմից հետո պայքարը էլ ավելի մեծ թափով արտահայտվեց: Դրա պատճառը հատկապես 1856 թ. իրապարակված Հաթթը հումայուն էր, որը նոր իրողություններ էր իր հետ թերում ազատագրական պայքարի պատմության մեջ՝ մեծ հույսեր տալով Օսմանյան կայսրության հպատակ ազգերին: Այս փաստաթղթում քրիստոնյաների ու մյուս կրոնական փոքրանասությունների վերաբերյալ հաստուկ կարգավորումներ կային: Մասնավորապես նշանակություն էր. «Կուրդաբանյուր քրիստոնեական կամ ոչ մուսուլմանական համայնք կոնկրետ ժամանակահատվածում թո՛ղ սովորի, ստուգի՝ իր արտոնություններն ու իրավունքները հարկերից ազատվելու համար և հաստուկ խորհուրդներում քննարկի իրենց անհրաժեշտ պատրիարքական կազմակերպությունները, որոնք կիամապատասխանեն ժամանակի ոգուն և լուսավորության ու կրթության աճին» [6]: Սա, փաստորեն, հնարավորություն տվեց բուլղար քաղաքական ու հոգևոր գործիչներին քայլեր ծեռնարկելու սուլթանի տված «արտոնություններից» օգտվելու համար:

Այս պայքարը ուսումնասիրող բուլղար պատմարանները, [7] կարծում են, որ խնդիրը առաջացել է նոր բարձրացող երիտասարդ բուլղարական և հունական բուրժուազիայի միջև՝ Բուլղարիայում մշակութային ու տնտեսական կարևոր դիրքեր գրադարձնելու համար: Կ. Պոլսի պատրիարքությունը սերտ հարաբերությունների մեջ էր թուրքական ֆեռդալական բյուրոկրատիայի հետ և կիսում էր միևնույն ժամանակ համահունական ծգոտումները, ստեղծում էր դժվարություններ բուլղարական լուսավորության զարգացման համար: Դա վերաբերում է մասնավորապես դպրոցների բացմանը, գրքերի տպագրմանը և մայրենի լեզվով կրոնական արարողությունների անցկացմանը: Պատրիարքը իրավունք էր ստացել թուրքական իշխանությունների առջև հանդես գալու որպես քրիստոնյաների միակ ներկայացուցիչը, թվական տվյալներ հաղորդելու բնակչության վերաբերյալ, ինչպես նաև եկեղեցու օգտին բնակչությունից հարկեր հավաքելու[8]:

Բուլղարական բուրժուազիան հունական պայքարի դեմ ընդդրկեց լայն զանգվածների՝ առաջ քաշելով մշակութասազգային ինքնավարության լոգունգներ Օսմանյան կայսրության տարածքում: Դ. Բլագուկը[9] գրում է. «Եկեղեցական պայքարը ոչ միայն ազգային քաղաքական պայքար էր, որի նպատակն էր ճանաչել բուլղարական ազգայնականությունը թուրքիայում, այս պայքար, որում կներառվեր ողջ ազգը, ողջ բուլղարական ազգը» [10]:

Ինքը լուրջ եկեղեցու համար շարժման մեջ առանձնանում էին երկու ուղղություն՝ չափավոր և արմատական: Արաթինի շարքերը համալրում էր առևտորական բուրժուազիան, որոնք իրենց կոմնորդշմամբ բաժանվում էին թուրքասիրական և ուսասիրական զանգվածների: Նրանք սահմանափակվում էին պահանջով, որ նշանակեն հյուպատությունում տեղական բուլղար հոգևորականներ, արքեպիսկոպոսներ և եկեղեցական արարողությունները կատարվեն մայրենի լեզվով: Արմատական ուղղությունը, որի հա-

ՄԵՍՐՈՊ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2016

մակիրներն էին մանր արևտրա-արդյունաբերական բուրժուազիան, իր առջև խնդիր էր դնում ստեղծել ինքնուրույն բուլղարական եկեղեցի:

Արմատական խմբավորման ղեկավարները Կ. Պոլսի համայնքում հենվում էին սովորանական Հաթթը հումայունի վրա, որից ենելով է՝ 1856 թ. գարնանը սովորանին տրվեցին պահանջներ բուլղարական ժողովրդի անունից: Նրանք պահանջում էին՝

1. թոյլ տալ բուլղար ժողովրդին ինքնուրույն ընտրելու եկեղեցու զիսավորին, որա մեջ չէին կարող խարնվել ոչ մուտքմանները, ոչ էլ այլ ազգությունների պատկանող քրիստոնյանները,

2. իրավունք ընտրելու գերագույն քաղաքացիական ղեկավար, որը պետք է լիներ ազգությամբ բուլղար, ով կարող էր սովորանին առաջարկել արժանի հայրենակիցներ որպես կառավարիչներ, դատավորներ և այլ պաշտոնյաններ[11]:

Ծրագիրը, այդպիսով, նախատեսում էր ոչ միայն եկեղեցական, այլ նաև աղմինիստրատիվ ինքնավարություն:

1858 թ. Կ. Պոլսի պատրիարքությունը հավաքեց եկեղեցական ժողով, որի ժամանակ բուլղարների ներկայացուցիչները առաջ քաշեցին հետևյալ պահանջները.

1. տեղերում արքեպիսկոպոսների ու թեմերի ընտրության իրավունքը,

2. արքեպիսկոպոսների ընտրության ժամանակ հաշվի առնել ընտրվողների տեղական լեզուներին տիրապետելը,

3. բարձրագույն հոգնորականության շնորհումների հաստատումը[12]:

Բոլոր պահանջները մերժվեցին հույն հոգևորականության կողմից: Դրանից հետո եկեղեցական հարցում և՝ լիբերալ, և՝ պահանողական ուղղության հետևորդ գործիչները որոշեցին խօել կապերը պատրիարքության հետ: Արդեն 1860 թ. ապրիլի 3-ին Կ. Պոլսի բուլղարական եկեղեցում պատարագի ժամանակ չիշատակվեց պատրիարքի անունը: Դրան ի պատասխան պատրիարքը բուլղար եպիսկոպոսին բանադրանքի ենթարկեց[13]:

Բուլղարական եկեղեցու հարցը ակտիվորեն քննարկվում էր նաև հասարակական շրջանակներում: Դրա ջատագովներից էր հատկապես Գ. Ռակովսկին[14], ով իր «Դյունասկու լեեծ»[15] հանդեսում շեշտում էր եկեղեցու ինքնուրույնության անհրաժեշտությունը և գտնում էր, որ դա հարց է, որից «կախված է բուլղարական ժողովրդի լինել չլինելը»[16]:

Այս ամենի շուրջ հակառակ տեսակետն էր արտահայտում Լյուբեն Կարավելով[17], ով գտնում էր, որ ազգային եկեղեցու ստեղծումով ազգային ազատագրության հնարավոր չէ հասնել, և դա պայքարի ճանապարհ չէ:

1860 թ. ղեկտեմբերի 18-ին բուլղարները մեծ խմբով Դ. Ցանկովի ղեկավարությամբ մեկնեցին Կ. Պոլիս: Այցի նպատակն էր արքեպիսկոպոս Բրունոնիին հանձննել խնդրագիր՝ ուղղված պային, որով խնդրում էին վերականգնել բուլղարական ինքնուրույն եկեղեցին Հռոմի պայի զիսավորությամբ: Փաստաթուղթը ստորագրեցին հինգ հոգևոր ներկայացուցիչներ ու 180 արքեստավորներ[18]: Միևնույն ժամանակ պայման էր դրվում պահանջել ուղղափառ ծեսերն ու կանոնները[19]: Պիոս 9-րդ պապը տվեց դրական պատասխան և 1861 թ. ապրիլի 8-ին Հռոմում ծեռնադրեց նախկին հայրուկ, կիսագրագետ Իոսիֆ Սակոլովսկուն «Համայն Բուլղարիայի պատրիարք»[20]: Վերջինս շուտով ոչ միայն հեռացավ ունիայից, այլ նաև նոյն թվականի ամռանը փախավ Ուստաստան՝ իր հետ տաճելով պապական հրովարտակը, որպեսզի Բարձր դրույթ նրան հաստատի այդ պաշտոնում[21]: Ունիայի դեմ արտահայտվեց նաև Գ. Ռակովսկին՝ դատապարտելով Դ. Ցանկովի և ունիայի այլ կողմնակիցների գործունեությունը: Նա հայտարարեց, որ չգնան ոչ մի փոխգիշման պատրիարքության կամ Հռոմի

ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

իետ, հաշվի չառնեն դրսից որևէ օգնություն և ծգուն սեփական ուժերով հասնելու ազգային եկեղեցի ունենալու իրենց իրավունքի իրականացմանը[22]:

Պայքարին հարող արտադրողներն ու մանր առևտրականները ունիան դիտարկում էին որպես քաղաքական մանկը, որի օգնությամբ փորձում էին հասնել հունական պատրիարքության գիջումներին և ազեղ ռուսական դիվանագիտության վրա՝ ուշադրություն գրավելով եկեղեցա-ազգային շարժման վրա:

Համոզվելով, որ ունիան ոչ միայն քարտացնում, այլ նաև սպառնում էր էլ ավելի վաստ հետևանքների հանգեցնել բուղարական եկեղեցական հարցը և բուղար ժողովրդին՝ նրանք սկսեցին հեռանալ ունիային կողմ լինելու շարժումից: Ունիայի դեմ պայքարին մեծամասամբ նպաստեց նաև ռուսական կողմը, որն այն համարում էր զենք իր հակառակորդների ձեռքին[23]: Համեմատական պարզությունը, որով հաջողության հասան ունիայի դեմ պայքարում, կարելի է մեկնաբանել նրանով, որ վերջիններս, չունենալով սոցիալական անրություն և հենարան, պառակտվեցին հենց ներսից:

Բուղարական եկեղեցական խնդրով անհանգստացած էին նաև Մեծ տերությունները: Ուստաստանը, լինելով ուղղափառ եկեղեցու հովանավոր, ստիպված էր ընտրություն կատարելու երկու ուղղափառ ժողովուրդների միջև: Կաթոլիկական միսիոներները, որոնց հետևում կանգնած էին Անգլիայի և Ֆրանսիայի կառավարությունները, քարոզում էին բողոքականություն և կաթոլիկություն ու համոզում, որ միայն Հռոմի պապի և եկորպական կաթոլիկ երկրների օգնությամբ կարելի է ազատագրվել և ինքնուրույնություն ստանալ Կոստանդնուպոլիսի պատրիարքությունից: Ուստական հյուպատոսը Վարոնայում նշում էր, որ չցանականալով «ոչ վոր, ոչ ինտրիգ»՝ Ֆրանսիան կաթոլիկ հոգևորականների օգնությամբ, իսկ Անգլիան՝ միսիոնների միջոցով, ծգուում էին մտցնել բուղարների մեջ Ուստաստամի նկատմամբ անվստահություն[24]:

Պետերբուրգական կարիքնետը տեսնում էր եկեղեցական աճող կոնֆլիկտի քաղաքական ենթատերստը: Ուստական արտաքին քաղաքականության գլխավոր ներկայացուցիչ Լ. Ս. Գորչակովը շեշտում էր, որ թուրքական կառավարությունը մեծացնում է Կոստանդնուպոլիսի պատրիարքության դիրքերը, որպեսզի «մեծացնի անդունդը ուղղափառ ժողովուրդների և Վերացնի Բուղարիայում ազգային աստիճանակարգության հաստատումը, որն անմիջականորեն նպաստում է երկրի քաղաքացիական զարգացմանը»[25]: Նա շեշտում էր, որ այդպիսի քաղաքականությամբ Բարձր դուռը փորձում է հասնել երկու նպատակների իրականացման՝ բուղարների մի մասի մտնելը ունիայի մեջ, որով կթուլանա նաև Ուստաստամի ազդեցությունը նրանց վրա, և մյուս մասի վրա կմեծանա հունական պատրիարքության ազդեցությունը, «որը մշտապես հանդիսացել է թուրքական իշխանությունների հավատարիմ մասը ուղղափառների մեջ»[26]:

Ուստաստամի դիվանագիտական ուղղվածության կենտրոնացվածությունը բուղարների եկեղեցական խնդրում բխում էր տիրող հասարակական-քաղաքական տրամադրություններից: Պետերբուրգական դիվանագիտությունը սկսած 1860 թվականից համառորեն ծգուում էր ազեղ ու Կոստանդնուպոլիսի պատրիարքության վրա և համոզելու նրան գնալ անհրաժեշտ գիջումների բուղար ժողովուրի արդար պահանջների նկատմամբ:

1861 թ. սկզբին ռուսական կառավարող շրջաններում գոյություն ունեին երկու տարբեր տեսակնետներ բուղար ժողովուրի ինքնուրույն եկեղեցի ունենալու հարցում: Ալեքսանդր 2-րդը, Ա. Ս. Գորչակովը, մետրոպոլիտ Ֆիլարետը և ռուսական դիվանագետների ազեղեցիկ խմբավորումը դեմ չէին ստեղծելու ինքնուրույն բուղարական եկեղեցի[27]: Գոյություն ուներ նաև հունամետ ուղղությունը, որը ներկայացված էր սիմոնի որոշ անդամներով և ռուսական դիվանագիտության որոշ ներկայացուցիչներով: Հաշվի առնե-

ՄԵՍՐՈՒԹ ՄԱՀՏՈՅ ՀԱՍԱԼԱՐՄԱՆԻ ԼՐԱՏՈՒ 2016

լով, որ ռուսական ավանդական քաղաքականությունը տվյալ ժամանակահատվածում Բալկաններում չէր գործում՝ իունասեմները իրենց քաղաքականության արդյունքն էին տեսնում՝ պահպանել իրենց իշխանությունը և Կոստանդնուպոլիսի պատրիարքության միասնությունը:

Ճանաչելով բուղարների իրավունքները ուղղափառ եկեղեցի ունենալու հարցում, հասկանալով այդ շարժման քաղաքական ուղղվածությունը, տալով հոգևոր և ֆինանսական օգնություն՝ բուղարական ազգային ինքնահաստատման համար՝ Ռուսաստանի կառավարությունը պահանջում էր իր դիվանագետներից հաշտեցնել բուղարական և հունական վեճը: Ռուսական կողմը գտնում էր, որ եկեղեցական վեճը բուղարների ու հույնների միջև կրուպացմի նրանց դիրքերը Բալկաններում, որից կօգտվեն թուրքերը[28]: Մի կողմից՝ ռուսները ուղղորդում էին հունական հոգևորականությանը Կոստանդնուպոլիսի պատրիարքի ղեկավարությամբ քավարարելու բուղարների պահանջները, իսկ մյուս կողմից՝ համոզելու մյուս կողմին առնվազն նոմինալ ճանաչել հունական պատրիարքության գերազահությունը:

Ռուս խոշոր դիվանագետ Ա. Բ. Լոբանով-Ռուստովսկին համոզում էր Կ. Պոլսի պատրիարք Իոահիմ 2-ին գնալ գիջումների բուղարների նկատմամբ: Ծեշտվում էր, որ իրենց պահկածքով նրանք օգնում են Բարձր դռանը օգտագործելու հունա-բուղարական ճգնաժամը իրենց իշխանության ամրապնդման համար, ինչպես նաև հավելում, թե ինչ տեղի կունենա, եթե բոլոր ազգերը միավորվեն[29]:

Ռուսական ղենապանի բոլոր գործողությունները Կ. Պոլսում հանդիպում էին համար դիմադրության և հաջողություն չին ունենում պատրիարքի մոտ: Բուղարական շարժման արմատական կողմնակիցները, որոնց հետուից գնում էին ժողովրդական զանգվածները, չին ցանականում հեռանալ իրենց պահանջներից, որն էր հունական պատրիարքությունից բուղարական եկեղեցու ամբողջական անկախությունը:

Փորձը՝ իրականացնել «միջին քաղաքականություն», հաշտեցնել անհաշտելին, ստեղծում էր լավ հիմք արևմտյան դիվանագիտության, առաջին հերթին Սեծ Բրիտանիայի համար, որը ռուսական քաղաքականության ամենահետևողական ընդդիմադիրն էր Բալկաններում:

1860 թ. ապրիլի 3-ի բուղարական ակցիայից հետո բուղարա-հունական եկեղեցա-ազգային հակամարտության հետաքրքրությունը անզիջական դիվանագիտության մոտ կտրուկ աճեց: Կ. Պոլսում անզիջական ղենապան Հենրի Բուլվերը իր ծեռքը վերցրեց բուղարական համայնքի ղեկավարների տվյալները: Նա կապեր հաստատեց Կ. Պոլսում թուրքական կողմնորոշում ունեցող գործիքների հետ և միաժամանակ ակտիվորեն հետևում էր բուղարական պրովինցիաներում եկեղեցական-ազգային շարժման ծավալմանը:

Լոնդոնյան դիվանագիտությունը, որն անհանգստացած էր առաջին հերթին պահպանելու ստատուս-քվոն Հարավ-արևմտյան Եվրոպայում, եկավ այն եզրակացության, որ քաղաքականապես ազատագրվելու բուղարների ծգուումները հնարավոր է լուծել՝ տալով եկեղեցուն ինքնակավարություն: Սովորանական կառավարության այդպիսի որոշումը կիաներ բուղարներին ռուսական ազգեցությունից: Այս գաղափարին միացան նաև ավստրիական կառավարության ներկայացուցիչները՝ գտնելով, որ եկեղեցական հարցի լուծումը կիանի բուղարների օրակարգից ազգային ազատագրության հարցը:

1864 թ., եթե Ն. Պ. Իգնատիկը նշանակվեց ռուսական պատրիարքության ղեկավար Թուրքիայում: Բուղարահունական եկեղեցա-ազգային կոնֆիլիկութ հիմնական նպատակ համարելով՝ ղենապանը անցավ բուղարների կողմը և սկսեց ավելի եռամդուն

ՄԵԽԱԿԱՆ ԱՎԱՍՏՈՅ ՀԱՍԱՍԱՐԱՆԻ ԼՐԱՏՈՒ 2016

ազդել ինչպես պատրիարքի, այնպես էլ Բարձր դռան վրա՝ փորձելով հասնել բուլղարական պահանջների լուծմանը:

Այսպիսով՝ տեղի ունեցավ հետաքրքիր իրադարձություն. փորձելով դուրս բերել մեկին մուսի դեմ՝ և՝ անգիտական, և՝ ռուսական կառավարություններն սկսեցին պայքարել բուլղարական ինքնուրույն եկեղեցի ունենալու համար:

Բալկաններում տեղի ունեցան մի շարք իրադարձություններ, որոնք նպաստեցին եկեղեցական հարցի լուծման գործընթացի արագացմանը: Նախ Կրետեում սկսվեց ապստամբություն, որը պաշտպանեց հունական կառավարությունը: Սերբերի նախաձեռնությամբ փորձ էր կատարվում ստեղծել բալկանյան համընդհանուր ճակատ ընդդեմ Թուրքիայի, որը հավանության արժանացավ նաև հունական կողմից: Սա կատարվում էր ռուսական անմիջական հովանավորությամբ, որի հետևանքով հունական կառավարությունը սկսեց մտերմանալ ռուսական իշխանությունների հետ: Այս ամենն իր արտահայտությունը գտավ նաև եկեղեցական հարցում: 1867 թ. նոր պատրիարք Գրիգորի 6-րդը առաջարկեց ստեղծել Հյուսիսային Բուլղարիայի ավտոկեֆալ (ինքնագլուխ) [30] էկզարժաստությունը, որը պետք է ենթարկվեր պատրիարքին[31]:

Հարկ է նշել, որ կոնֆիլկտի լուծումը չէր մտնում թուրքական կառավարության ծրագրերի մեջ: Օսմանյան կայսրությունը փորձում էր ստեղծված վիճակն օգտագործել երկու ազգերի միջև թշնամանքն էլ ավելի խորացնելու համար՝ միաժամանակ թույլացնելով նրանց դիրքերը: Դրան հասնելու համար թուրքական իշխանությունները հայտարարեցին, որ բուլղարներին կտրվի անկախ եկեղեցի ստեղծելու հնարավորություն: Այս առաջարկը բուլղարների եկեղեցական գործերով գրադուղ գործիչներին բաժանեց երկու մասի: Առաջին խումբը, որը տնտեսապես և քաղաքականապես հակված էր դեպի Ռուսաստանը՝ Գ. Կրիստիժի ղեկավարությամբ համաձայն էր պատրիարքի առաջարկության հետ: Մյուս խումբը, որը ղեկավարում էր թուրքասեր Ս. Չոնակովը հանդես եկավ Բարձր դռան առաջարկի օգտին[32]: Փաստորեն հայտարարությունը պարակնեց ուժերը և տարավ նրան, որ պատրիարքի առաջարկը մերժվեց:

Սակայն վճռական ազդեցություն այս գործի վրա ունեցավ 1867-1868 թթ. Բուլղարական ազգային-ազատագրական պայքարը: Թուրքական կառավարող շրջաններում անհանգստություն առաջացրեց նաև Բուլղարիայում Հաջի Դիմիտրովի և Սուեֆան Կարաջի ղեկավարությամբ զինված պայքարի առաջ գալը: Զգուշանալով, որ քաղաքական անկախության համար հեղափոխական պայքարը բուլղարական ժողովով մոտ կընդունի ավելի մեծ ծավալները՝ Բարձր դուռը 1870 թ. փետրվարի 28-ին հրապարակեց ֆերման, որով ստեղծվում էր ինքնուրույն «բուլղարական էկզարժաստություն»: Բուլղարական եկեղեցու ղեկավար՝ էկզարժը պետք է ընտրվեր և հաստատվեր բուլղարական Սինոդի ու պատրիարքի կողմից: Էկզարժաստության տարածքը սահմանվում էր ավելի լայն, քան Գրիգորի 6-րդի սահմանվածն էր: Բացի Սերծոյանության Բուլղարիայից նրա կազմի մեջ մտնում էին նաև երկու թեմեր, որոնք ներառում էին ոչ միայն բուլղարական, այլև սերբական բնակչություն (Նիշում և Պիրոտում), ինչպես նաև Հարավային Բուլղարիան և Մակեդոնիայի մի մասը: Սահմանվում էր նաև, որ այդ սահմաններից դուրս մնացած տարածքները բնակչության 2/3-ի ցանկությամբ հնարավոր էր ևս միացնել էկզարժաստությանը[33]:

Սա ժողովորի շրջանում բերեց մեծ ոգևորություն: Կ. Պոլսում որպես Բուլղարական եկեղեցու վերականգնան բարձրագույն մարմին ստեղծվեց ժամանակավոր եկեղեցական խորհուրդ՝ կազմված բուլղար արքայիսկոպոսներից և աշխարհիկ գործիչներից[34]:

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

Անգամ սովորանական ֆերմանի հրապարակումից հետո Կ. Պոլսի պատրիարքությունը չնահանջեց իր դիրքերից ու էլ ավելի քշնամական դիրք գրավեց բոլղար հոգևորականության նկատմամբ:

Ստեղծված իրավիճակից դուրս գալու մի շարք փորձեր կատարվեցին՝ կոտրելու հոյս հոգևորականության ճնշումները, սակայն վճռական դարձան այս խնդրում 1872 թ. հունվարի 5-ի իրադարձությունները, երբ մետրոպոլիտներին թերեցին բոլղարական եկեղեցի ու ստիպեցին եկեղեցական ժես կատարելու Աստվածահայտնության տոնի առթիվ, թեև պատրիարքն արգելել էր դա անել[35]: Այդ իրադարձությունները դիտելու համար հավաքված բազմությունը այնուհետև դուրս եկավ Կ. Պոլսի փողոցներ և ուղևորվեց Մեծ վեզիրի նստավայր պահանջելով մետրոպոլիտներին տալ ազատություն:

1872 թ. հունվարի 5-ի իրադարձությունները թերեցին պատրիարքության հետ կապերի լրիվ խզման: Արդեն փետրվարի 16-ին ընտրվեց առաջին էկարդիք՝ Անտեն 1-ինը:

Դրանով ավարտվեց բոլղարական ինքնուրույն եկեղեցու համար պայքարը, որ մղում էին բոլղար եկեղեցու առաջնորդները, բոլղարական հասարակության տարբեր շերտերը: Հարկ է նշել նաև օտար պետությունների շահագրգորությունը այս խնդրում, որոնք արիթը բաց չթողեցին Օսմանյան կայսրության ներքին գործերին խառնվելուց և խնդիրն իրենց շահերին ծառայեցնելուց:

Այսախով՝ ազատվելով հունական եկեղեցու ճնշումներից ու հարստահարություններից բոլղարական ինքնուրույն եկեղեցին իրականություն դարձավ: Բոլղար ժողովրդի ազգային-ազատագրական պայքարը կենտրոնացավ միայն թուրքական կառավարության դեմ գործողություններում:

ԾԱՆՈԹԱԳՐՈՒԹՅՈՒՆՆԵՐ

- Ֆանարիուտները հույս ազնվականական խավ էին, որոնք հաստատվել էին 17-20-րդ դդ. Օսմանյան կայսրությունում Կ. Պոլսի նոտակա Ֆանար բնակավայրում և ունեին մտերին հարաբերություններ տեղի հունական պատրիարքության հետ: 17-րդ դ. սկսած ֆանարիուտները կազմել են կառավարող խավի մի մասը Դանության իշխանություններում: Panayotis A. Papachuristou, The three faces of the phanariots: An inquiry into the role and motivations of the Greek nobility under Ottoman rule, 1683-1821, Canada, 1992, pp. 5-26.
- Տե՛ս Международные отношения на Балканах 1856-1878 гг., М., 1986, стр. 138.
- Տե՛ս Бойкекева К., Болгарская православная церковь, София, 2005, стр. 139.
- Տե՛ս Ներսիսյան Ա., Բոլղար ժողովրդի պայքարը Սովորական թուրքիայի դեմ 19-րդ դարի 70-ական թթ., Եր., 1978, էջ 11:
- Անտոնյան Ա., Ընդարձակ պատմություն Պալկանյան պատերազմեն, Կ. Պոլիս, 1912, էջ 146:
- Կոսев Д., Новая история Болгарии, София, 1951, стр. 250.
- Այդ պատմաբաններն են Դ. Կոսևը, Զ. Մարկովան և այլն:
- Տե՛ս Ներսիսյան Ա., նշվ. աշխ.:
- Դիմիտրի Բլագոև (1856-1924 թթ.) համարվում է բոլղար խոշորագույն քաղաքական գործիչ: Նրան է վերագրվում մարքսիստական գաղափարների տարածումը Բոլղարիայում:
- 10.Благоев Д., Очерки истории социализма в Болгарии, М., 1989, стр. 22.

ՄԵՍՐՈՒԹՅԱՆ ՄԱԿԱՐԱԳՈՅՆԻ ՀԱՅԱՍՏԱՆԻ ԴՐԱՄՆ 2016

11. Ст' у Косев Д., նշվ. աշխ., էջ 251:

12. Ст' у История Болгарии, Т.1, М., 1954, стр. 259.

13. Ст' у նոյն տեղում:

14.Գեղրգի Ռակովսկին (1821-1867 թթ.) Բուլղարիայի ազգային-ազատագրական պայքարի խոշորագույն ներկայացուցիչներից է: 1853 թ. փորձ է արել Բուլղարիայում կազմակերպել հակառակական ապստամբություն: 1854 թ. դեկավարել է ապստամբների ջոկատ Մտարա Պլանինայում: 1861-1862 թթ. Բելգրադում կազմակերպել է առաջին Բուլղարական լեգիան (գորամիավորում): 1866 թ. վերջին Բուլղարեաստում միավորել է չետնիկ Վոյեվոդաներին՝ Բուլղարիան օսմանյան լծից ազատագրելու նպատակով ծրագրված գործողություններ մղելու համար: Կազմել է «Աստարային ժողովրդական ջոկատների ժամանակավոր օրենք» (1867 թ.), որտեղ արտահայտել է չետնիկներին կենտրոնացված ռազմական կազմակերպության վերածելու միտքը: Առաջ է քաշել ազատագրական պայքարում բակլանյան ժողովուրդների եղբայրական համերաշխության գաղափարը:

15.«Դүհավսկի լեճեծ»-ը հրատարակվել է Բելգրադում 1860 թ. սեպտեմբերի 1-ից մինչև 1861 թ. դեկտեմբերի 24-ը գ. Ռակովսկու ջանքերով: Թերթում արտահայտվել են գ. Ռակովսկու հիմնական գաղափարները և համարվել է հեղափոխական հիմնական թերթը տվյալ ժամանակահատվածում:

16.Ст' у История Болгарии, նշվ. աշխ., էջ 265:

17.Լյութեն Կարավելովը (1834-1879 թթ.) խոշորագույն բուլղար հասարակական-քաղաքական գործիչ էր: 1857-1866 թթ. ապրել է Մոսկվայում, համակվել հեղափոխական դեմոկրատներ Գերցենի, Չեռնիշևսկու, Դոբրովոլյուսկովի առաջավոր գաղափարներով: 1869 թ. դարձել է Բուլղարական հեղափոխական կենտրոնական կոմիտեի անդամ, 1872 թ.՝ նախագահը: Հրատարակել է «Свободада» (1869-1872 թթ.) և «Независимостъ» (1873-1874 թթ.) թերթերը: Օսմանյան լծից ազգային ազատագրության միակ ուղին համարել է ժողովրդական հեղափոխությունը: 1873 թ. Վ. Լևսկու մահապատժից խորապես ցնցված, սկսել է զբաղվել սոսկ լուսավորական գործունեությամբ: 1877-1878 թթ. ռուս-թուրքական պատերազմի ժամանակ Բուլղարիա է վերադարձել որպես ռուս բանակի գլխավոր հրամանատարության (շտաբի) քարգմանիչ, ողջունել է հայրենիքի ազատագրումը:

18.Ст' у Бойкекева К., նշվ. աշխ., էջ 143:

19.Ст' у Международные отношения на Балканах 1856-1878 гг., նշվ. աշխ., էջ 140-141:

20.Ст' у Бойкекева К., նշվ. աշխ., էջ 137:

21.Ст' у Международные отношения на Балканах 1856-1878 гг., նշվ. աշխ., էջ 141:

22.Ст' у նոյն տեղում:

23.Ст' у նոյն տեղում:

24.Ст' у նոյն տեղում, էջ 140:

25.Նոյն տեղում:

26.Նոյն տեղում:

27.Ст' у նոյն տեղում, էջ 141:

28.Ст' у История Болгарии, նշվ. աշխ., էջ 259:

29.Ст' у Международные отношения на Балканах 1856-1878 гг., նշվ. աշխ., էջ 142:

30.ІХ-ХІ դդ-ից սկսած կազմավորվել են ինքնազլուխ (ավտոկեֆալ) երկարնակ եկեղեցիներ (Վրաց եկեղեցին ավելի վաղ), որոնք միավորվում են Ուղղական (Արևելյան երկարնակ) եկեղեցիներ անվան տակ: Դրանք են՝ նախ՝ բյուզանդո-

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ՂՈՏՏՈՒ 2016

կան շրջանի հին պատրիարքությունները՝ Կ. Պոլսի, Ալեքսանդրիայի, Անտիոքի (Դամասկոսում, Սիրիա), Երուսաղեմի աթոռները, ապա՝ Մոսկվայի (Ռուս ուղղափառ Եկեղեցի), Սերբիայի, Բուլղարիայի, Ռումինիայի պատրիարքությունները, իուն Եկեղեցիները՝ Հելլադայի (Հունաստանի), Կիպրոսի, Սինայի, Կրաց, Աբանիայի, Ֆինլանդիայի, Չեխիայի, Սլովակիայի, Լեհաստանի, Ճապոնիայի, ինչպես նաև Աֆրիկայի, ԱՄՆ-ի ուղղափառ Եկեղեցիները։ Դրանք բոլորն էլ առաջնորդվում են նույն նվիրապետական աստիճանակարգով (Եպիսկոպոսներ, քահանաներ, սարկավագներ)։

31.Տե՛ս Իстория Болгарии, նշվ. աշխ., էջ 259:

32.Տե՛ս նույն տեղում, էջ 260:

33.Տե՛ս նույն տեղում:

34.Տե՛ս Бойкекеа К., նշվ. աշխ., էջ 137:

35.Տե՛ս Коцев Д., նշվ. աշխ., էջ 275:

ԱՄՓՈՓԱԳԻՐ

Բուլղարական ինքնուրույն Եկեղեցու համար պայքարը Օսմանյան կայսրությունում
Հայկ Մխոյան

Հոդվածում անդրադարձ է կատարվել 19-րդ դարի 50-70-ական թթ. Բալկանյան թերակղզում տեղի ունեցած կարևորագույն իրադարձություններից՝ բուլղարների ազգային Եկեղեցի ունենալու պայքարին։ Բուլղարների այս պայքարն ուղղված էր հունական պատրիարքության դեմ, որն անընդհատ ճնշումների էր Ենթարկում բուլղար ազգաբնակչությանը։ Հականարտության կարևորագույն կողմերից էր նաև Օսմանյան կայսրությունը, որի տարածքում էլ տեղի էին ունենում նշալ իրադարձությունները։ Ի վերջո խնդիրը լուծվեց հօգուտ բուլղարական Եկեղեցու։ 1870 թ. ստեղծվեց բուլղարական ինքնուրույն Էկզարխատություն, որը ճանաչվեց Օսմանյան սուլթանի կողմից ու, թեև առաջացրեց Կոստանդնուպոլիսի հունական պատրիարքության դժգոհությունը, այնուամենայնիվ այն ստիպված եղավ ընդունել տեղի ունեցած փաստը։

РЕЗЮМЕ

Борьба за создание самостоятельной болгарской церкви в Османской империи
Гайк Мхоян

Ключевые слова: Болгарская православная церковь, Болгарский экзархат, Османская империя, Россия, Фанариот, Вселенский патриархат Константинополя

В статье отображено одно из событий, произошедших на Балканском полуострове в 50-70-х годах XIX века, которое касается борьбы болгар за национальную церковь. Эта борьба болгар была направлена против греческого патриаршества, которое подвергало постоянным угнетениям болгарское население. Одной из важнейших сторон конфликта была также Османская империя, на территории которой имели место данные события. В конце концов, вопрос был решен в пользу болгарской церкви. В 1870 г. был создан самостоятельный Болгарский экзархат, который был признан османским султаном, и, несмотря на то, что оно породило недовольство греческого патриаршества, всё же оно было вынуждено принять состоявшийся факт.

SUMMARY

The Struggle for a Separate Bulgarian Church in the Ottoman Empire
Hayk Mkhoyan

Keywords: Bulgarian Orthodox Church, Bulgarian Exarchate, Ottoman Empire, Russia, Phanariot clergy, Ecumenical Patriarchate of Constantinople.

The present article touches upon one of the most important events of the 50's and 70's of the 19th century which took place in the Balkan Peninsula. It concerns the struggle of the Bulgarians for recognition of their national church. This struggle was against the Greek Patriarchate, which constantly exerted pressure on the Bulgarian population. One of the most important parties involved in the conflict was the Ottoman Empire, in the area of which these events took place. Eventually the problem was solved in favor of the Bulgarian Church. In 1870 Bulgaria established its own Exarchate, which was recognized by the Ottoman sultan. Though it aroused resentment of the Greek Patriarchate in Constantinople, the latter, however, was forced to accept the fact.